



Inatsisartunut ilaasortaq
Jens-Frederik Nielsen
Demokraatit

Allakkap ullua:
\$dossier_lastupdated\$
Suliap normua.
\$dossier_f2casenumber\$
All Nr.
\$dossier_documentnumber\$

Postboks 1614
3900 Nuuk
Oqarasuaat (+299) 34 50 00
E-mail: nap@nanoq.gl
www.naalakkersuisut.gl

**Nuummut tikeraarnermini Islandimik niueqateqarnissamik
isumaqatigiissuteqarsimanerat pillugu § 37 naapertorlugu apeqqummut nr.
115-imut akissut.**

Asasara Jens Frederik Nielsen

Inatsisartut suleriaasianni § 37, imm. 1 naapertorlugu Naalakkersuisunut ulloq 24. maj 2022-mi apeqquteqarsimavutit. Apeqqutit uannit akineqartussanngorlugit ingerlateqqinneqarsimapput.

**1. Sunik tigussaasunik Islandip Kalaallit Nunaata akornanni
isumaqatigiissuteqartoqarpa islandip statsministeriata Nuummut
tikeraarneranut atasumik?**

Akissut: Islandimi statsministerip Nuummut tikeraarneranut atatillugu aalajangersimasunik isumaqatigiissuteqartoqanngilaq. Annertunerusumik suleqatigiittoqarnissaa, assersuutigalugu killilersugaanngitsumik niueqateqarnissap sulissutigineqarnissaa siunniunneqarsimavoq.

**2. Niueqatigiinnermut isumaqatigiissusiortoqarsimarpasippoq.
Isumaqatigiissut taanna tigussaasumik qanoq kinguneqassava?**

- a. Isumaqatigiissut sutigut Kalaallit Nunaannut iluaqutaassava?
- b. Isumaqatigiissut sutigut Kalaallit Nunaannut ajoqutissartaqassava?
- c. Isumaqatigiissutip kalaallit nunaanni suliffeqarfinnut aningaasatigut kingunissai suuppat?
 - I. Isumaqatigiissuteqarsimanerup kalaallit nunaanni suliffeqarfinnut pitsaaqutaasinnaasunik ajoqutaasinnaasunillu assersuutinik Naalakkersuisut saqqummiusseqquneqarput

Akissut: Apeqqummut nr. 1-imut akissuteqaat innersuussutigineqarpoq.

**3. Kalaallit Nunaata Islandillu akornanni tunisat pisiillu
oqimaqatigiinnerat ullumikkut qanorippa (eqqussuineq avammullu
tunisineq)?**

Akissut:

Tabelimi kisitsisit Islandip kisitsisitigut paasissutissaataannit aaneqarsimapput. Nioqqutissanik niueqatigiilluni Islandimit Kalaallit Nunaannut eqquusuineramik aamma Kalaallit Nunaannit Islandimut annissuineramik takutitsipput.

Mio.	Islandimit Kalaallit Nunaannut tunisat			Kalaallit Nunaannit Islandimut tunisat			Niuernermi oqimaaqatigiissuseq		
	2019	2020	2021	2019	2020	2021	2019	2020	2021
Greenland, ISK	8.067	2.111	2.295	3.326	4.449	2.423	-4.741	2.338	128
Greenland, DKK	439	102	114	181	215	120	-258	113	6
<i>Greenland, DKK, umiarsuit minillugit</i>	272	102	113	53	41	30	-219	-60	-82

Islandimit Kalaallit Nunaannut avammut niuerneq

2019: Islandimit Kalaallit Nunaannut umiarsuarnik tunisat avammut nioqquteqarnerup annertunerpaartarisimavaat. Sinneri tassaapput inuussutissat, orsussat/uuliat pujassaatit suliffissuaqarfinnullu nioqqutissat.

2020: Avammut nioqqutigineqartut tassaapput inuussutissat, orsussat/uuliat pujassaatit suliffissuaqarfinnullu nioqqutissat.

2021: Avammut nioqqutigineqartut tassaapput inuussutissat, orsussat/uuliat pujassaatit suliffissuaqarfinnullu nioqqutissat.

Kalaallit Nunaannit Islandimut niuerneq

2019-2021: Avammut niuernermi tunineqartut annertunerpaartaat tassaasimapput Kalaallit Nunaannit Islandimut umiarsuarnik tunisat (75-80 pct. miss.). Sinneri tassaapput inuussutissat. Inuussutissat tassaasinnaapput aalisakkat ikerinnarsiortunik aalisakkerivinnut Islandimut tulaanneqarsimasut aamma aalisakkat avammut niuerutigeqqittussangorlugit Islandimut tulaanneqarsimasut.

a. Kisitsisit taakku malillugit niueqatigiinnissamut isumaqatigiissuteqarsimaneq kia annerpaamik iluaqutigissavaa?

Kalaallit Nunaannut aamma Kalaallit Nunaannit umiarsuit tunisat niueqatigiinnermi immikkut illuinnartuusut peeraanni, Islandimut, niuernerup ilusaanut maannakkutut ittumut nioqqutissanik niuernermut tunngatillugu niuernermut isumaqatigiissut iluaqutaanerpaassaaq.

4. Kalaallit Nunaata ullumikkut akitsuutitut assigiinngitsunut aningaasat qassit isertittarpai Islandip Kalaallit Nunaatalu niueqatigiinneranni?

a. Ullumimut sanilliullugu niueqatigiinnissamut isumaqatigiissuteqarnermi Kalaallit Nunaata qassit isertissavai (missigerlugu)?

Akissut: § 37 naapertorlugu apeqqummi piffissaliussap iluani apequtigineqartut naatsorsuusiorneqarsinnaanngillat. Taama ittumik naatsorsuusiussagaanni eqqussuineramik annissuinermillu nioqutissanut ataasiakkaanut agguataarlugit sukumiisupilussuarmik naatsorsuisoqartariaqarpoq.

5. isumaqatigiissutigineqarsimasunut atatillugu allanik Naalakkersuisut paasissutissiisinnaappat?

Islandip aamma Kalaallit Nunaata akornanni suleqatigiinnerannut tunngatillugu ataatsimut isigalugu eqqaaneqarsinnaavoq atorfilittani qaffasissumi inissisimasuni ataatsimoorussani ingerlaavartumik oqallittoqartarmat. Islandip aamma Kalaallit Nunaata akornanni naalakkersuinikkut siunnerfigisamik nalunaarutip "Joint Declaration"-ip 2021-mi septemberimi isumaqatigiissutigineqarnerani, suliassaqarfiit suleqatigiiffiusut sorliit pitsannorsarneqarsinnaanersut paasiniarlugit annertunerusunik annertuunillu suleqatigiinnissamut isumaqatigiissutit pillugit nunat marluk akornanni oqaloqatigiinnikkut misissueqqaarnerit ataatsimoorussat aallartisarneqassasut aalajangerneqarpoq. Naalakkersuisut siulittaasuata Muté B. Egedep aamma Islandimi statsministerip Katrin Jakobsdottirip kingullermik ataatsimiinneranni suleqatigiinnerup pitsannorsarnissaanut soqutiginnittoqartoq uppersarnarneqarpoq. Taamaattumik suleqatigiinnerup, tassunga ilanngullugu niuernikkut suleqatigiinnerup pitsannorsarnissaanut piareersarneq siuliani taaneqartuni atorfilittani ataatsimoorussani aallartinneqarsimavoq.

Med venlig hilsen
Inussiarnersumik inuulluaqqusillunga

Vivian Motzfeldt